

სპორტული

საპარტევლოს სსრ უზენაესი კულბურისა და სპორტის სახელმწიფო კომიტეტისა და პროფკავშირთა რესპუბლიკური საბჭოს ორგანო
ОРГАН ГОСУДАРСТВЕННОГО КОМИТЕТА ГРУЗИНСКОЙ ССР ПО ФИЗИЧЕСКОЙ КУЛЬТУРЕ И СПОРТУ И РЕСПУБЛИКАНСКОГО СОВЕТА ПРОФСОЮЗОВ

11 თებერვალი, ოთხშაბათი, 1987 წ.
№ 29 (9440) ● ფასი 3 კპბ.

გამოცემის 1934 წლის 13 აპრილიდან



საბჭოთა კავშირის
ზამთრის ჩემპიონატი
პეკინის სპორტი

გელაგი- ქართველ სკრინსერებს

წლებულს რომში გაიმართება მსოფლიოს მეორე ჩემპიონატი მძლეოსნობაში. ახლა ყველა სპორტსმენი, ვინც ქვეყნის მძლეოსანთა ნაკრებში მოხვედრას აცხადებს პრეტენზიას, გაცხოველებით ემზადება მსოფლიო ჩემპიონატში მონაწილეობის უფლებების მისაღებად.

უკვე ჩატარდა საბჭოთა მძლეოსანთა პირველი დიდი დათვალიერება — ქვეყნის ზამთრის ჩემპიონატი. ამ შეჯიბრებას პერმეა უმასპინძლა საქართველოს ათლეტთაგან კვლავ წარმატებას მიაღწია IX საკავშირო სპარტაკიადის ორგანიზაციის ჩემპიონმა მაია აზარაშვილმა (მწვრთნელი ევგენი გაგუა). რომელმაც ვერცხლის მედალი დაისაკუთრა 200 მ-ზე რბენაში — 23,91 (მაიამ გარბენში უკეთესი დრო 23,77 აჩვენა).

მესამე ადგილი დაიკავა ევგენი გაგუას კიდევ ერთმა მოწოდებმა ბენიკ გოციჩიძემ. 200 მ-ზე რბენაში მან დისტანცია 23,61 დათვარა (გარბენში — 21,49 აჩვენა).

სამკილომეტრიან დისტანციაზე მე-7 იყო IX საკავშირო სპარტაკიადის ჩემპიონი ოლეგ სტრიჟაკოვი — 8.10,23.



ელვა-ინფორმაცია

ჭუთაისში დამთავრდა რესპუბლიკური ჩემპიონატი 100-უკრედიან

შაშხი. 10,5 ქულით ჩემპიონობა მოიპოვა თბილისელმა ნატო აგლაძემ. საპრიზო ადგილებზე გავიდნენ ხაბტრედიაძე მოსწავლეები ლია ღირდალაძე (10 ქულა) და დალი ჩომახიძე (9,5 ქულა).




საბავშვო გაღიდან ერყვნილი ბიზნისითა

გუშინ ჩვენმა გაზეთმა გამოაქვეყნა ინტერვიუ საქართველოს სსრ განათლების მინისტრის მოადგილესთან გივი თალაკვაძესთან. როგორც ვიწყობოდით, რედაქციას განზრახული აქვს წინა პლანზე წამოწიოს საბავშვო ბაღებში ფიზიკური აღზრდის საკითხი, განაზოგადოს მოწინავეთა გამოცდილება. ამავე დროს საზოგადოებრიობის ყურადღება მიაპყროს გადასაჭრელ პრობლემებს. სურათზე, რომელსაც აქვე ვებეჭავთ, თქვენ ხედავთ თბილისის 172-ე საბავშვო ბაღის აღზრდელებს. დღესვე ამ საბავშვო ბაღზე გთავაზობთ წერილს.

№. 29-2 83.

სკოლამდელ დაწესებულებებში აღზარდელთა შორის ფიზიკულ-ტურულ-გამაჯანსაღებელი მუშაობის უფრო ფართოდ გაშლის მიზნით ხვალ, 12 თებერვალს, 18 საათსა და 50 წუთზე და 18 თებერვალს, 9.55 წუთზე (განმეორებით) საქართველოს ტელევიზიით მოეწყობა გადაცემა „უთოოდ თქვენც გიფიქრიათ“.

დავალება ნომერი



● ფოთის სპორტკომიტეტმა სტიქიური უბედურებით დაზარალებულთა დასახმარებლად თავი მოუყარა ყველა სპორტულ ბაზაზე არსებულ რეზერვს. სპორტსახკომის, „დინამოს“, „გოდნიკის“ სანიტბოსნო ბაზების თანამშრომლებს მეტად რთულ პირობებში მოუხდათ ადამიანების გამოყვანა სახიფათო ზონიდან. სიმამაცით გამოიჩინეს თავი როლანდ ცხვიტორიამ, რომან პეტროსიანმა, ალექსანდრე კინტირიამ, ვასილ ლევჩენკომ და სხვებმა. „დინამოს“ ბაზის ინსტრუქტორი მალხაზ მიქაძე, რომელმაც რამდენიმე ადამიანის სიცოცხლე იხსნა, თავად ჩავარდა განსაცდელში. მხოლოდ სპორტულმა წვრთნამ შეაძლებინა მას 14 საათი მარტოდმარტოს ებრძო-

ლა სტიქიასთან და სამშვიდობოს გამოსულიყო. ფოთის სპორტკომიტეტის და ქალაქში არსებული ყველა სპორტული ბაზის და უწყების თანამშრომლებმა გადაწყვიტეს დაზარალებულთა დასახმარებლად გადაირიცხონ 3-5 დღის ხელფასი. ოსტატ ფეხბურთელთა გუნდი უახლოეს დღეებში გამართავს ამხანაგურ მატჩს, რომლის შემოსავალი ჰოლიანად დაზარალებულთა ფონდში შევა.

ოთარ ხომარიძე, ფოთის სპორტკომიტეტის თავმჯდომარე.

● გთხოვთ ჩემი ერთი თვის ხელფასი გადაირიცხოთ სტიქიით დაზარალებულთა ფონდში № 700 ანგარიშზე.

მაია მესხია, „ლელოს“ საქ. კორ. გაგრა.

დაზარალებულთა დასახმარებლად

● საქართველოს პროფსაბჭოს სპორტულ ნაგებობათა სამმართველოს სიღნაღის სპორტული კომპლექსის თანამშრომლებმა № 700 ანგარიშზე ჩაგრიცხეთ ოთხი დღის ხელფასი — 400 მანეთი. შეიქმნა მშველი ჯგუფი, რომელიც მზად არის დახმარების ხელი გაუწოდოს გაჭირვებაში ჩავარდნილ დასავლეთ საქართველოს მოსახლეობას.

ივანე ბაიდოშვილი, სპორტკომპლექსის დირექტორი.

● გორის ეკონომიკური ინსტიტუტის ფიზიკური აღზრდის კათედრის ყველა წევრი 10 დღის ხელფასს შეიტანს სტიქიური უბედურებისაგან დაზარალებულთა ფონდში.

გივი ხაჩიძე, კათედრის გამგე.

● გორის ბავშვთა და მოზარდთა სასპორტო სკოლის თანამშრომლები ორი დღის ხელფასს გადავირცხავთ სტიქიური უბედურების შედეგად დაზარალებულ დასავლეთ საქართველოს დახმარების ფონდში.


სპორტსკოლის კოლექტივი.

საქავშირო ტურნირი მინიფეხბურთში

თბილისის სპორტის სახსლში დაიწყო საქალაქთაშორისო ტურნირი საქართველოს კომპაგვირის ცენტრალური კომიტეტის პრიზზე, რომელსაც ერთმანეთს ეცილებიან ბათუმის „ხინანი“, თბილისის „ვაკე“, „ვერა“, ერევნის „არარატი“, რიგის „დაუგავა“ და ბაქოს „ბაკინეცი“.

გუშინ ასპარეზობა საზეიმოდ გაიხსნა. პირველი შეხვედრები ასე დასრულდა: „ხინანი“ — „არარატი“ 4:0, „ვაკე“ — „ბაკინეცი“ — 1:1, „ვერა“ — „დაუგავა“ 4:0.

დღევანდელი შეხვედრების განრიგი ასეთია: „ხინანი“ — „დაუგავა“ (14 ს. 30 წ.), „ვაკე“ — „არარატი“ (15.30), „ვერა“ — „ბაკინეცი“ (16.30).




სურათზე: ბათუმის „ხინანისა“ და ერევნის „არარატის“ გუნდელი მატჩის მომენტები.

ალექსანდრე კოტორაშვილის ფოტოები.



გაუზინ საყოველთაოდ აღინიშნა გენიალური რუსი პოეტის ა. ს. პუშკინის ხსოვნის დღე



ბელმა არტიმა, მხატვრული კი-
თხვის ბრწყინვალე ოსტატმა ალექ-
სანდრ კუტეპოვმა ინტერვიუში
თქვა: „მე ხშირად ვცდილობ წარ-
მოვიდგინო, როგორ შეხედავდა პუ-
შკინი ჩვენს დღევანდელ ცხოვრე-
ბას. აი, ტელევიზიით გადმოსცემენ
თანამედროვე ახალგაზრდულ ცეკ-
ვებს. რას იტყვოდა, მაგალითად, ლევ
ტოლსტოი მათი ნახვის შემდეგ?
ალბათ იფიქრებდა, სამყარო შეიშა-
ლაო. პუშკინი? პუშკინი ალბათ
თვითონაც უსაზღვრო მხიარულებას
მიეცემოდა, ვახარებდა, სხვებთან
ერთად ისარხარებდა... იგი იმდე-
ნად ლაღი ბუნების ადამიანი იყო,
ეს უთუოდ ძალიან მოეწონებოდა.“
როგორ შეხედებოდა პუშკინი
თანამედროვე საორტუჯო მიღწე-
ვებს? იგი ალბათ აღტაცებული
იქნებოდა! მით უფრო, რომ თვი-
თონ პოეტი, სხვათა შორის, ნამ-
დვილი ათლეტი იყო.

რჯვედ ფარიკობდა, კარგად ისრო-
და. პავლე ვიაზემსკი, პუშკინის მე-
გობრის, პოეტ პ. ვიაზემსკის ვაჟი
იგონებს: „1827 წელს პუშკინი ინ-
გლისურ კრიკს მასწავლიდა“. საინ-
ტერესოა, ვინ ასწავლა კრიკი თვი-
თონ პუშკინს, რომელიც საზღვარ-
გარეთ არასოდეს ყოფილა? რუსი
საზოგადოება ხომ იმ დროს თით-
ქმის არ იცნობდა სპორტის ამ სა-
ხეობას. არის შეხედულება, რომ
პუშკინმა კრიკი შეისწავლა XIX
საუკუნის დამდეგს ფართოდ გავ-
რცელებული ინგლისური ოთხტომი-
ანი სახელმძღვანელოთი „ბოქსინა“.

პუშკინი ხშირი სტუმარი იყო
პეტერბურგში გახსნილი პირველი
საციგურაოსი. იგი კარგად სრია-
ლებდა და სხვებსაც ხალისით უზი-
არებდა თავის ცოდნას. მ. სუხო-
ტინი თავის მოგონებებში წერს:
„მე და ჩემი ძმა ყოველდღე დაფ-
დიოდით საბანაოდ. ნევაზე საზაფ-
ხულო ბაღის პირდაპირ დიდი სა-
ცურაო იყო მოწყობილი. ერთხელ
წყალში ვეჭყუმალობდი, ვერ შე-
ვინძე, როგორ გაჩნდა ჩემს გვე-
რდით ვიღაც ხუტუტებიანი მოცუ-
რავე და ღიმილით მითხრა: „ნება
მომეცით გიჩვენოთ, როგორ უნდა
ცურავა. თქვენ სწორად არ უსვამთ
ხელებს. ბაყაყურად უნდა მოუს-
ვათ“. ამ სიტყვებზე იმ თმახუტუკა
კაცმა დაიწყო კიდევ ნამდვილი ცუ-
რვის მანერის ჩვენება, მაგრამ უცებ
უკანვე გასურდა და საბანაოდ შე-
მოსულ ბატონს მიესალმა, „ა, გამა-
რჯობა, ვიაზემსკი“. მე და ჩემმა ძმამ
ერთმანეთს გადავხედეთ და ერთ-
ხმად შევძახეთ: „ეს უთუოდ პუშ-
კინი იქნებოდა“.

გულსიტყვილით წერდა პუშკინის
სიკვდილის შემდეგ პ. ვიაზემსკი:
„იგი (პოეტს გულისხმობს) მაგარი
აგებულებისა იყო, ჯანსაღი. რაც
იცოცხლა, თუ მეტს არა, ალბათ
ერთ იმდენს მიანიც კიდევ იცოც-
ხლებდა...“

პუშკინი
ქართული
შთაბრძნა

ეს ალექსანდრე სერგის ძეა,
ეს კი მისი შვილი ალექსანდრე
ალექსანდრეს ძე — ვერა ვლადიმე-
რის ასული ფოტოსურათებს პასია-
ნსივით შლის მაგიდაზე. ცოცხალ,
მარად ახალგაზრდულ, ბავშვობიდან
ძალზე ნაცნობ და საყვარელ სახეს
ცვლის სერიოზული, ბაკენბარდები-
ანი გენერლის, დიდი პოეტის შვი-
ლის ალექსანდრე ალექსანდრეს ძე
პუშკინის სახე. იქვე ქალთა პორტ-
რეტები ჩნდება. აგერ გენერლის
ქალიშვილი ნატალია პუშკინა, შე-
მდგომში ვორონცოვა, აგერ მისი
ქალიშვილი მარია პავლეს ასული
ვორონცოვა, შემდგომში კლიმენკო
და მისი ქალიშვილი ნატალია ვეგე-
ნის ასული. ულამაზეს ქალთა სახე-
ებს უერთდება ბავშვის სურათი —
ეს ჩემი კეთილი მასანძმელია, ვერა
ვლადიმერის ასული — ნატალია ვე-
გენის ასულის ქალიშვილი. მეშინია
არ ამერიოს და ბოლოდან ვიწყებ
ჩამოთვლას — ვერა, ნატალია, მა-
რია, ნატალია, ალექსანდრე და
პუშკინი, თავად პუშკინი!
ახლა კი ყველაფერი რიგის მი-
ხედვით მოვყვით. თბილისში ცხოვ-
რობენ პუშკინის შთამომავალი —
ნატალია ვეგენის ასული კლიმენ-
კო და მისი ქალიშვილი ვერა ვლა-
დიმერის ასული, რომელიც 30
წლის წინათ გახდა საქართველოს
რბალი. ვერა ვლადიმერის ასულის
ვაჟი ანდრეი სვანიძე ჩვენი დელა-
ქალაქის მკვიდრია. აქ გაიზარდა,
დაამთავრა სკოლა, მაგრამ უკვე 10
წელია მოსკოვში ცხოვრობს —
სსრ კავშირის მეცნიერებათა აკადე-

მიის ოკეანოლოგიის ინსტიტუტში
მუშაობს. ვერა ვლადიმერის ასუ-
ლი გეოგრაფიის ასწავლის თბილი-
სის ერთ-ერთ სკოლაში, ნატალია
ვეგენის ასული კი პენსიონერია.
ახლა, პუშკინის გარდაცვალების
150 წლისთავის დღეებში, სვანიძე-
ების ოჯახში სტუმარიანობაა — მო-
ლიან მეგობრები, ლიტერატორები,
ხელოვნებათმცოდნეები, ჟურნალის-
ტები. ტელეფონის ზარს „ლელოს“
რედაქციიდან ვერა ვლადიმერის ას-
ული არ გაუცხირებია, რადგან სპო-
რტი თავად პუშკინსაც ძალიან უყ-
ვარდა და მის ნაშეირთაც უყვართ.
დიდხანს ვათვალიერებ სვანიძეების
საოჯახო არქივს, ვცდილობდით გვე-
პოვა ფოტო, რომელზეც რომელი-
მე პუშკინი იქნებოდა აღბეჭდილი
სპორტული კარჯისში დროს. თავის
დროზე ანდრეი თურმე სერიოზუ-
ლად ვარჯიშობდა ცურვაში, წყალ-
ბურთში, მძლეოსნობაში, დადიოდა
მთებში. დედამისი ტურისტის ტრფი-
ალია, მას ფეხით აქვს მოვლილი თბი-
ლისის შემოგარენი, ნამყოფია სა-
ქართველოს ყველა კუთხეში. დღე-
მდე განუცდელი გრძნობა მეუფლე-
ბა, როდესაც ქალბატონ ვერას ვუ-
სმენ. რა სიყვარულით ლაპარაკობს
ეს რუსი ქალი ქართულ მზწახე,
როგორ შეთვისებია მას.
საქირო ფოტოები ვერ ვიპოვეთ.
მაგრამ ამას არა აქვს მნიშვნელო-
ბა. მთავარია თბილისში დიდი ქა-
რთველი პოეტის მეექვსე თაობის
წარმომადგენელს შევხვდით.

აპაი ბოზორიშვილი.

იგი
რაინდის იყო

ლენინბრძალებს ერთი საოცარ-
ი ტრადიცია აქვთ: ყოველ 10 თე-
ბერვალს, ზუსტად ორ საათსა და
ორმოცდახუთ წუთზე, დიდი პუშ-
კინის სიკვდილის წამს, მოიკახე,
პუშკინის სახლის ფანჯრების ქვეშ
იყრიან თავს. რამდენიმე წელიწადს
სახლში რეკონსტრუქცია ტარდებო-
და და სამგლოვიარო ცერემონია
ალარ მოუწყვიათ. ხალხი კი მაინც
მიდიოდა. ვანა შეიძლება უფრო
ნათლად გამოხატო სიყვარული
დიდი პოეტის მიმართ?
...ერთხელ პუშკინის შესანიშნა-
ვმა მცოდნემ, რსდსრ დამსახურე-

მისი მეგობრებისა და თანამე-
დროვეების ნაამბობიდან ვიცით, რომ
პუშკინი დიდ ყურადღებას აქცევდა
ფიზიკურ ვარჯიშს. პ. ბარტენივი,
პ. ანენკოვი, პ. პლეტნიოვი იხსენე-
ბენ, რომ პოეტს უყვარდა ტანვარ-
ჯიში და „ათლეტის მოთმინებით“
ვარჯიშობდა. ხშირად დადიოდა
ფეხით, კარგად დიდ მანძილზეც კი.
უყვარდა ცხენით სიარული, იშვიათ-
ად თუ დაინახვდნენ ეკიპაჟით
მიმავალს. ცხენზე ამხედრებულმა
შემოირა ყირიმი, იმოგზაურა კავ-
კასიაში... პოეტი გატაცებული იყო
სპორტის სხვა სახეობებითაც. მა-

საგავსეო გალიან იწყება...



იქნება სწორად ესანი?..

— „ერთი, ორი, სამი; ერთი,
ორი, სამი“ — თვლის გულიკო მა-
სწავლებელი და სიმალის მიხედვით
დაწყობილი პატარები სპორტ-
ულ ღარიბში შემოდინ, სამ მწკ-
რივად დგებიან და დილის გამამხ-
ნეველი ვარჯიშისთვის ემზადები-
ან. ასე იწყება ყოველი დღე კალი-
ნინის რაიონის 172-ე ბაღში.
— სამიოდე თვეა, რაც ახალმოსახლ-
ობა ვიზიტი — გვითხრა ბაღის
გამგემ ლია აფაქიძემ. — მშენებე-
ლთა სასახელოდ უნდა ითქვას,
რომ ისინი კარგად გაძლოდნ თავ-
იანთ საქმეს. ბავშვების განკარგუ-
ლებაშია ნათელი, კეთილმოწყობი-
ლი შენობა, ეზო, დიდი სპორტულ-
ი დარბაზი, ავტოდრომი, ღია ვე-
რანდები, სადაც ისინი გაზაფხული-
დან გვიან შემოდგომამდე ივარჯი-
შებენ. ვაპირებთ საცურაო აუზის
მოწყობას. მალე ჩვენთან პატარები
სპორტულ ფორმაში გამოწყობი-
ლები ივარჯიშებენ.
— მარტენისაქენ! მოეწყვეთ ერთ

რიგად“ — გასცა ბრძანება გულ-
იკო მასწავლებელმა. დილის ვარ-
ჯიში დამთავრდა, ბავშვები კიბეებ-
ით სასადილოში ჩაბრბან, სადაც
მათ გემრიელი საუზმე ელით.
„გვინდა სპორტი აქედანვე შე-
ვაყვაროთ პატარებს, — ამბობს
გულიკო ყიფიანი. — ბავშვს აქ-
ედანვე ეტყობა, მისგან რა გამოვა.
დიდი სპორტისკენ მიმავალი გზა,
შეიძლება ითქვას, საბავშვო ბაღზე
ვადის. ბავშვის უნარი აქ უნდა აღ-
მოვაჩინოთ და აქედანვე დავაგზა-
კვალოთ იგი. ჩვენი მიზანია სულით
და ხორციით ჯანმრთელი ბავშვებ-
ის აღზრდა, გარდა დილის გამაჯა-
ნსადებელი ვარჯიშისა, პატარებს
კვირაში ორჯერ ფიზიკურად გა-
კვეთილებიც აქვთ: ეს გაკვეთილე-
ბი მათთვის ნამდვილი ზეიმიია. რკა-
ლში გაძირება, შვედურ კიბე-
ზე ასვლა, თოქე ბტომა — ყვე-
ლაფერი მოსწონთ. ეზოში სეირნ-
ობისა ხშირად ვატარებთ მოძრავ
თამაშებს.

ბავშვები საუზმეს მორჩნენ და
ახლა სულგანაბული შეჭყურებენ
მასწავლებელს, რომელიც „უცხო“
ესაუბრება. მაგრამ აი, სპორტზე
ჩამოვადეთ თუ არა სიტყვა, თვა-
ლები აუციმციმდით, ერთმანეთს
აღარ აცლიან ლაპარაკს... ფრიდონს
და ლევანს ფეხბურთის თამაში მო-
სწონთ, დათოს და ვიორგის კლა-
თბურთი იტაცებთ, ნინოს და ელენ-
ის — ჩოგბურთი, სახელგანთქმ-
ული მოტოციკლის გიგი კარტოზის
სენია შვილიშვილს ფალავანი სურს
გახდეს, მიშკომ და გიგამ თქვენს
ყველაფერს წყალბურთი სჯობიაო,
გიორგიმ და თამარიკომ — ჩვენ
ცხენოსნობა გვირჩევიანო. ვინ იც-
ის, რამდენი მომავალი ჩემპიონი თუ
სპორტის ოსტატი ზის ამ პატარა
თაობში, მაგრამ დიდ სპორტზე ჯერ
მხოლოდ ოცნება შეიძლება, ისინი
ხომ 6 წლისანიც არ არიან...

ნინო სიმონიშვილი.

პიდაობა ჩვენი ქართული


ანგარიში
გავუწიოთ

„ქართული პიდაობა ხსეთივე გა-
ნძია ჩვენი, როგორც ფოლკლო-
რი და ძველ ოსტატთა მიერ ნა-
გებ-ნაგენი ტაძრები და ცხე-
დარბაზნი“.
ნ. კეცხოველი.
ხალხურ ოსტატთა ნახელავი ყო-
ველთვის გამოირჩეოდა ესთეტიკური
ღირებულებისა და ფუნქციური და-
ნიშნულების სრული შეწყობით. მა-
რტივი თიხის ჯამიც კი ხელოვნების
უზაღო ნაწარმოებს წარმოადგენს.
ასეთ სინტიფეს მრავალსაუკუნოვან-
ი დაკვირვებისა და ტრადიციის შე-
დეგად აღწევდნენ ოსტატნი.
ამ მხრივ გამოჩაქისი არც ქა-
რთული პიდაობაა. წლების მანძი-
ლზე იხვეწებოდა მისი ილეულები,
ფანდები, დიდი მნიშვნელობა ჰქო-
ნდა იმასაც კი, თუ რა ემოსათ სა-
ქილოდ გამოსულ ფალავნებს, სა-
ქილოდნენ ისინი, ბალახზე თუ
ნახერხმყოილ სარბიელზე.
„როცა მეტოქე იგრძობს წუთ-
იერ, თუნდაც წუთის მესამედით გა-
მოთიშვას — წერდა ჩვენი პიდა-
ობის დიდი ქობილი ნიკო კეცხო-
ველი, — ამით ისარგებლებს მეო-
რე მხარე. ამიტომაც ძველად წო-
ნითი კატეგორიები არც იცოდნენ
— ფანდ უნდა ყოფილიყო, გრა-
მებს არაფერი ითვლიდა. მართლ ის
რად ღირს, რომ ნამდვილ პიდაო-
ბას არც მსაჯი ესაქიროება. მსა-
ჯია თვითონ წაქცეული, რომელიც
წამოდგება და ხელს გამოგიწვდის...“
ქართული პიდაობის ღირსებებზე
ლაპარაკი დღეს სწორედ რომ დრო-
ულია, რადგან ამ სახეობაში, რომ-
ელსაც ერთხანს უყრადღებას აღარ
ვაქცევდით, დღეს სხვადასხვა მას-
შტაბის რესპუბლიკური შეჯიბრე-
ბები იმართება. ახლანან საინტერეს-
სო საიხლის მოწმენიც გავხდით.
საქართველოს კომპაგშირის ცენტრ-
ალური კომიტეტის, სპორტსაქომ-
ისა და სპორტსაზოგადოება „კოლ-
მეურნის“ თაოსნობით თბილისის ცი-
რკის სარბიელზე ამიერიდან სისტე-
მატურად იმართება შეხვედრები,

რომელშიც ქალაქის უბანი — უბანს
და სოფელი სოფელს ეჯიბრება.
აქაოდა ნახერხმყოილ სარბიე-
ლზე იმართებოდა, ბევრმა ეს შეჯი-
ბრება რეტროსპექტულად მიიჩნია.
„მართო ხალხიანზე მრავალი წლის
ნაგარჯიშებ სპორტსმენთა შერკინ-
ება კი არ გამოსვლიდათ, არამედ
შენარჩუნებულიყო ძველი პიდაობის
იერი და სული...“ — წერდა ერ-
თი ჟურნალისტი. იერსა და წარსულ-
ზე რა მოგახსენოთ, მაგრამ მთავარი
ის არის, რომ შეჯიბრების მესვეურ-
ებმა სარბიელს, რომელზეც ქარ-
თული პიდაობა იმართება, მთავარი
ატრბუტი — ნახერხი დაუბრუნეს.
აქი ამბობდა ნ. კეცხოველი, ჩვენს
პიდაობას არბილი არ სჭირდება
და მაყურებელი საუკეთესო მსა-
ჯი. როცა საერთო შეძახილი „იყო!
— არ იყო!“ გამოარჯვებას ვერც ერთ
მხარეს ვერ მიაკუთვნებს, მაშინ
სწორედ ნახერხი „ერევა საქმეში“
და სამართალსაც ის აღადგენსო.
ამასთან დაყავირობით მასხენდება
ერთი შეჯიბრება.
ორიოდე წლის წინათ ხოვლეში
დიდი პიდაობა გაიმართა. ხოვლე-
ლებმა ტოლი არ დაუღეს კასპეთთა
ძლიერ გუნდს და როცა გადამწყ-
ვეტ შერკინებაში მსაჯმა სტუმარ-
თა წარმომადგენელს მიანიჭა წმი-
ნა გამარჯვება, ერთ-ერთმა დარბა-
სიელმა ბერიკაცმა წამოიძახა:
— აბა, მაგის ბეჭებს შეხედე, მამ
ეგ იყო?!
და მართლაც, დამარცხებულიად
გამოცხადებულს, იმის ნიშნად, რომ
იგი მხოლოდ ერთ ბეჭეთ შეეხო
მიწას, ნახევარ მხარეს ჰქონდა აკ-
რული ნახერხი, მეორე მხარე კი
სუფთა დარჩენოდა. მსაჯამც წამს-
ვე შეეცალა გადამწყვეტილება...
ღია, ნახერხი თავისებური მსაჯულია
ქართულ პიდაობაში, ამიტომ ცხა-
ლია, მიზანშეწონილი არაა, ჩოხო-
სან ფალავნებს ტატამსა და სხვა
სინთეტიკურ სარბიელზე ვუნბოთ
საქილოდ.

უზანა შიხინაძე.

საქართველოს თანის გათავაზება გატუტვ ხტოვაში



ნაცნობი სახელები და... პრობლემები

„შრომითი ჩაჯარვების“ სპორტის სასახლეში საქართველოს თანის გათავაზების მონაწილენი ბატუტზე, ხტომაში ისეთ ზერითულ ელემენტებს აკეთებდნენ, ფოტოობიექტივს კი არა, თვალს უჭირდა მათი დაქვერა. შეჯიბრებაზე ოთხმა სპორტსმენმა შეასრულა უმაღლესი პილოტაჟი — სამმაგი მალაყი ნახტომი წინ ბრუნით. ხშირად გვითქვამს, რომ ბოლო წლებში ჩვენს ბატუტისტებში ქალღმერთ უფრო ყოჩაღობენ, შეჯიბრებამ კი გვიჩვენა, რომ ვაჟები დღეს უკვე წარმატებით იბრძვიან „თანასწორფლებიანობისთვის“. დიხ, ზერითულ ელემენტებს სწორედ ისინი ასრულებდნენ. ამ შეჯიბრებაში, ისე, როგორც შარშან, მხოლოდ მოსწავლეები გამოვიდნენ და გამარჯვებულთა ასაკი 14 წელს არ აღემატება. უკვე შევეჩვიეთ იმისაც, რომ ინდივიდუალურ შეჯიბრებაში პირველი ადგილი რუსუდან ხოფერიას და მიხეილ პელივანოვს აქვს „დაჯივნილი“. დღეს მათ გუნდში მართლაც არა ჰყავთ ბადალი, თუმცა ლიდერთა ზურგს უკან ჩანან მათი გბილა გოგო-ბიჭები, — სინქრონულ წყვილთა შორის საბჭოთა კავშირის იუნიორთა ნაკრების წევრები. 13 წლის ლია ბენდიანიშვილი და ანა დოლონაძე (ერთი წლის წინ ლენინგრადში საკავშირო ტურნირზე გამარჯვებულ) მეორე წელია არ აპირებენ მოწინავე პოზიციების დათმობას. აღნიშნულ შეჯიბრებაზე მათ მთელი 10,6 ქულით ჩამოიტოვეს მეორე ადგილზე გასული ინგა მეტეშვილი და სვეტლანა გულიაივა (29,0), მესამე ადგილი დაიკავა რუსუდან ხოფერია — ნინო შერმაინის წყვილმა (27,5). აქვე უნდა ვთქვათ, რომ ნინომ ნებისმიერ ვარჯიშში სერიოზული შეცდომები დაუშვა, 10-დან მხოლოდ 7 ელემენტი შეასრულა (კავალდებული პრაგმატით ასპარეზობაში ისინი მეორე ადგილზე იყვნენ). ჩვეულ ფორმაში არ არის სსრკ ხალხთა IX სპორტკლასის ჩემპიონი რუსუდან ხოფერია, თუმცა ინდივიდუალურ ასპარეზობაში მან კვლავ ყველაზე მაღალი, 11,2 კოეფიციენტის პროგრამით იასპარეზა, 95,3 ქულა მოაგროვა და სამართლიანად დაიკავა პირველი ადგილი. მეორე ადგილზე გავიდა ანა დოლონაძე (94,4 ქულა), მესამეზე — ნინო შერმაინი (86,6 ქულა). სამწუხაროდ, ერთმა უხეშ-



რუსუდან ხოფერია.

სძლია მიხეილ პელივანოვმა. მან 94,0 ქულა მოაგროვა და ოქროს მედალი დაისაკუთრა, მეორე ადგილზე გავიდა სინქრონულ წყვილში მიხეილის თანამეწყვილე ზაზა აბრამიშვილი (81,9), მესამეზე — ზაზა ხიზანიშვილი (77,0). პირველი თანრიგის მოასპარეზეთა შორის გაიმარჯვეს თინა სუსუნიაშვილი და კახაბერ ქვლივიძე. საინტერესოა, რომ შარშან გამართული მსგავსი შეჯიბრების გამარჯვებულებს მხოლოდ ერთი მიემატა — სინქრონულ წყვილში ზაზა აბრამიშვილი შეცვალა მიხეილ ნიკოლაიშვილი. საქართველოს ნაკრების უფროსი მწვრთნელი თენგიზ ხულოვი: — საქართველოს ბატუტისტთა შეჯიბრებაში სპორტო ადგილებს კარგა ხანია მხოლოდ თბილისში მოვარ-

მეთვალყურეობით ივარჯიშოს. რაც შეეხება უახლოეს გეგმებს, 20 თებერვალს მოგილოცოთ საბჭოთა კავშირის თანის გათავაზება დაიწყება. ჩვენი ბატუტისტებიდან პერსონალურად მიიწვიეს რუსუდან ხოფერია, ნინო შერმაინი, ინა წიკლაური, მიხეილ პელივანოვი და ზაზა აბრამიშვილი. ჯამალ კობარიძე. * * * ს უ რ ა თ ე ბ ზ ე (წემოთ, მარცხნივ) — ზაზა აბრამიშვილი და მიხეილ პელივანოვი; მარჯვნივ — ლია ბენდიანიშვილი და ანა დოლონაძე. დავით კურტანიძის ფოტოები.

საქართველთა საკავშირო პირველობა • I ლიგა, II ტური

შესვენება გაქსიპალურად უნდა გამოვიყენოთ

შაზანსა და ჟღანოვში დამთავრდა I ლიგის წყალბურთულთა საკავშირო პირველობის I ტურის II ტურის მატჩები. თბილისელი არმიელები ჟღანოვში გამოდიოდნენ. როგორც იცით, მათ პირველი სამი შეხვედრა წააგეს. თბილისელთა ეს მატჩები ისე დამთავრდა: ვოლოგოვარდის „სპარტაკი“ — 5:10, მოსკოვის უმაღლეს ტექნიკური სასწავლებლის გუნდთან — 8:9, მინსკელ თანაკლუბებთან — 10:12. თბილისის ასკ II ტურის ბოლო მატჩში შეხვედა ერევნის უმაღლესი სპორტული დაოსტატების რესპუბლიკური სკოლის გუნდს და გაიმარჯვა — 10:7. ამ ტურში განსაკუთრებით კარგად იასპარეზეს მინსკის ასკ-მ, კაუნასის „ბანგა“ და მოსკოვის „მაიაკა“

რომლებმაც მხოლოდ თითო ქულა დაკარგეს. კვლავ ხელი მოეცარა ერევნის უმაღლესი სპორტული დაოსტატების რესპუბლიკური სპორტსკოლის გუნდს, რომელმაც, ისევე როგორც პირველ ტურში, ყველა შეხვედრა წააგო. გაოცებას იწვევს ტაშკენტის „მეხნატის“ უფერული თამაში. ამ გუნდს, რომელიც ერთ დროს უმაღლეს ლიგაში საშუალო გუნდად ითვლებოდა, ახლა მხოლოდ 6 ქულა აქვს და ჯერჯერობით ერთ-ერთი აუტსაიდერია. დღეისათვის გუნდების სატურნირო მდგომარეობა ასეთია: ასკ (მინსკი) — 21 ქულა, „ბანგა“ — 20, „მაიაკა“ — 18, უმაღლესი დაოსტატების რესპუბლიკური სპორტსკოლა (კიშინიოვი) — 15, „ტორპე-

დო“ (მოსკოვი) — 14, „სპარტაკი“ (ვოლოგოვარდი), „აზოვი“ (ქღანოვი), „სინთეზი“ (ყაზანი) — 12-12, სიფი-ი (მოსკოვი) — 11, დუშანბის გუნდი — 10, ასკ (თბილისი) — 9, უმაღლესი სპორტული დაოსტატების რესპუბლიკური გუნდი (ბაქო) — 8, უმაღლესი ტექნიკური სასწავლებლის გუნდი — 6, „მეხნატი“ (ტაშკენტი) — 6, ვორარევის გუნდი — 1, უმაღლესი სპორტული დაოსტატების რესპუბლიკური სკოლა (ერევანი) — 0. I ლიგის წყალბურთელებს ხანგრძლივი არდადეგები დაუდგათ. მესამე ტურის მატჩები მხოლოდ ივნისის ბოლოს დაიწყება. იმედია, I ლიგის დებიუტანტები — თბილისელი არმიელები ამ შეხვედრას კარგად გამოიყენებენ და ძალას მოიკრებენ საბრძოლველად.

მეორე ეხვედრები

გრძელდება უმაღლესი ლიგის კალაპოტით ვაჟთა საკავშირო ჩემპიონატის დასკვნითი მატჩები იმ გუნდებს შორის, რომლებიც VII-XII ადგილებსთვის იბრძვიან. ვილნიუსი. დაძაბული ბრძოლით აღნიშნა ადგილობრივი „სტატისას“ და კიევის „სტროიტელის“ შეხვედრები. ლიტველმა კალაპოტურულეებმა ორივე მატჩი მოიგეს — პირველი ერთი ქულის (85:84), მეორე კი ხუთი ქულის (87:82) სხვაობით.

ულოტელი მარცხი განიცადა 94:104. მოსკოვი. თავის მოედანზე აბსოლუტურ უპირატესობას ვერც ადგილობრივმა დინამოელებმა მიაღწიეს. პირველ დღეს მინსკის რტისთან შეხვედრაში მათი უპირატესობა თითქოს უდავო იყო — 94:81, აი, მეორე დღეს კი ბელორუსის კალაპოტურელებმა რევანში აიღეს — 84:76.

ბათაშავის ცხრილი. Table with columns: ასკ (კიევი), „დინა“ (მოსკოვი), „სტატა“ (ვილნიუსი), „სტროიტა“ (კიევი), რტი (მინსკი), ასკ (ალმა-ათა) and scores.



ასეთი სათაურით გამოაქვეყნა ვრცელი წერილი ვაზეტ „სოვეტსკი სპორტის“ ყოველკვირეულმა დამატებამ „ფუტბოლ-პოკემ“ (№ 6), რომლის ავტორია დამატების რედაქტორი, სპორტის დამსახურებული ოსტატი ვიქტორ პონედალნიკი. წერილში ლაპარაკია ლანჩუთის „გურიის“ კოლექტივზე, რომელმაც შარშან I ლიგის საკავშირო გათავაზებაში უმაღლეს ლიგაში თამაშის უფლება მოიპოვა. ვ. პონედალნიკი წერს, რომ საკავშირო ჩემპიონატის ერთ-ერთ მატჩზე თბილისში ყოფნისას 1971 წელს მან გაიცნო კომკავშირის ლანჩუთის რაიკომის პირველი მდივანი თემურ გუგუნივა, რომელმაც იგი საგანგებოდ მიიწვია ლანჩუთში: — ჩამობრძანდით ჩვენთან თუნდაც სულ ერთი დღით. — შესთავაზა გამოჩინულ ფეხბურთელს თ. გუგუნივამ. — თვითვე დარწმუნდებით, თუ როგორ უყვართ ჩვენში ფეხბურთი, როგორი გუნდი გყავს, როგორი სტადიონი გვაქვს. ვ. პონედალნიკი აღწერს ყველაფერს, რაც კი მან ნახა ჩვენს ქალაქ ლანჩუთში, მოიხსენიებს იქაურ მკვიდრთა შრომით წარმატებებს, დიდ სიყვარულს ფეხბურთისადმი, ლანჩუთის ფეხბურთის ფედერაციის მაშინდელ თავმჯდომარეს ევგრაფი შევარდნაძეს და სხვებს. შემდეგ მოკლედ აღწერს ლანჩუთის „გურიის“ მიღწევებს ჯერ კიდევ იმ დროიდან, როცა ის გუნდი 1968 წელს „ბ“ კლასში გამოდიოდა, თბილად იხსენიებს გუნდის მაშინდელ

მოთამაშეებს ი. დათუნაშვილს, რ. ურუშაძეს, ზ. ებრალიძეს, ვ. ძიძიგურს, ლ. ჟორდანიას, გ. თავაძეს, გ. იმეაძეს, მოიხსენიებს „გურიის“ სხვადასხვა პერიოდის მწვრთნელებს გ. იმნაშვილს, ვ. ნარიმანიძეს, ვ. ბერეჟნოს, შ. კაკაბაძეს, ა. კოტრიკაძეს, მ. ხურცილაშვილს, ბ. სიხარულიძეს. მკითხველებს შეუძლიათ თვალი გადაეხედონ ლანჩუთელთა გუნდის პროგრესს და აღმასვლას „ბ“ კლასიდან უმაღლეს ლიგამდე, ახასიათებს მის ცალკეულ ფეხბურთელებს, საგანგებოდ ხაზს უსვამს როგორი ენთუზიაზმით და ნამდვილი სიყვარულით აშენებენ ლანჩუთელი მშრომელები თავიანთ სტადიონს, როგორ უანგაროდ ესმარებიან მათ ახლომდებარე რაიონების სპორტის მოყვარულები. წერილს ვ. პონედალნიკი ასე ამთავრებს: „დიხ, ძნელი სეზონი მოეღის ამ სასოფლო გუნდს. უმაღლეს ლიგაში გამოსვლის უფლებების მოპოვება ძალზე რთულია, მაგრამ მასში ადგილის შენარჩუნება — ასჯერ უფრო ძნელი. ლანჩუთში ეს კარგად ესმით და ამიტომ არც ერთ დღეს არ კარგავენ უნდადეს სეზონისთვის მოსამზადებლად, თუმცა, ახლანდელმა უამინდობამ, თოვლიანმა ზამთარმა რაიონს ახლავ შეუქმნა უამრავი დამატებითი საზრუნავი“.


საკონტროლო მატჩები

ჩვენი ქვეყნის ოსტატთა კატეგორიის ფეხბურთელთა გუნდები მართავენ ჩემპიონატის მატჩებს, საქართველოს გუნდების შეხვედრებზე უკვე ვიტყობინებოდით, დავუმატებთ, რომ მოსკოვის „ლოკომოტივისა“ და ლანჩუთის „გურიის“ შეხვედრაში დაძაბული ბრძოლის შემდეგ ინგარიშით 2:1 გაიმარჯვა „ლოკომოტივმა“. სხვა საკონტროლო მატჩების შედეგები: „დნებრი“ (დნებროპეტროვსკი) — „ჟალგირისი“ (ვილნიუსი) 1:0, „მეტალისტი“ (ხარკოვი) — „არარატი“ (ერევანი) 3:0, „არარატი“ (ერევანი) — ცსკა 1:0, „მეტალისტი“ (ხარკოვი) — „დნებრი“ (დნებროპეტროვსკი) 1:1, „ჟალგირისი“ (ვილნიუსი) — ცსკა 2:0, „შახტიორი“ (დონეცკი) — „ჩერნომორეცი“ (ოდესა) 1:0, „მეტალისტი“ (ხარკოვი) — „ზარია“ (ვოროშილოვგრადი) 1:1, „ლინამო“ (კიევი) — „ლოკომოტივი“ (მოსკოვი) 5:2, „ჟაირათი“ (ალმა-ათა) — „დინამო“ (მინსკი) 1:0.

გაქანაშაურის პრობლემა

ფერ-ის ნაკრების ხელმძღვანელი ფრანც ბეკენბაუერი ესაუბრა იტალიურ გაზეთს დელო სპორტის კორესპონდენტს. მისი აზრით, 4 ნაკრებს შეუძლია გახდეს ევროპის ჩემპიონი 1988 წელს: ფერ-ის, საბჭოთა კავშირის, ესპანეთისა და იტალიის გუნდებს. რაც შეეხება ამჟამად მიმდინარე ევროპულ საკლუბო ტურნირებს, ბეკენბაურის ვარაუდით, ფინალში ერთმანეთს უნდა შეხვდნენ „ბაიერნი“ — კიევის „დინამო“ (ჩემპიონთა თასზე), „აიაქსი“ — მოსკოვის „ტორპედო“

(თასების მფლობელთა თასზე) და „ბარსელონა“ — „ინტერი“ (უფას თასზე). „ო დინა“ ცნობით როგორც ლისაბონის ვაზეტ „ო დია“ იუწყება, ცნობილია პორტუგალიელმა ფეხბურთელმა ფრანსანო შალანამ გადაწყვიტა საფრანგეთის მოქალაქეობა მიიღოს. იგი ფიქრობს, რომ ამის შემდეგ შეეძლება საფრანგეთის პირველი დივიზიონში ითამაშოს, სადაც, როგორც ცნობილია, უცხოელ ფეხბურთელებზე ლიმიტი დაწესებული — ორი უცხოელი ერთ გუნდში.



ნუგზარ ნასყიდაშვილი

პაატა ხურციძე

მერაბ ვალიევი

მალხაზ მაისაშვილი

ერთი ჩაპოინი, სამი პრიზიორი

როგორც „ლელოს“ გუშინდელ ნომერში ელვა-ინფორმაციით გაუწყეთ, როგორც კი გამოჩნდა საქართველო ახალგაზრდულ პირველობაზე ოთხი მედალი მოიპოვეს საქართველოს თავისუფალი სტილის მოქიდავეებმა. დღეს უფრო დაწვრილებით მოგიხრობთ ამ შეჯიბრების შედეგებს.

ახალგაზრდა მოქიდავეთა საკავშირო პირველობები ყოველწლიურად ტარდება, შარშან გუნდები სპორტსაზოგადოებებმა და უწყებებმა გამოიყვანეს, ამჯერად კი სარბიელზე მოკავშირე რესპუბლიკების, მოსკოვისა და ლენინგრადის ნაკრები კოლექტივები გამოვიდნენ. საქართველოს ნაკრების შემადგენლობაში 20 ფალავანი იყო (გუნდი მოამზადეს რესპუბლიკის დამსახურებულმა მწვრთნელმა ვანო ნიკოლაძემ, ნუგზარ სხირაშვილმა, თამაზ ბენდიანიშვილმა და გოდერძი ფასურიშვილმა). თავი ისახელა გორელმა

ნუგზარ ნასყიდაშვილმა (52 კგ, მწვრთნელი — ნუგზარ სხირაშვილი). მან ქვეჯგუფში ზედიზედ ხუთი მეტოქე დაამარცხა, ფინალში კი ანგარიშით 6:4 მოუგო მახაჩკალის სიდილეს და ოქროს მედალი მოიპოვა. ნასყიდაშვილს, რომელიც ამჟამად საბჭოთა არმიის რიგებში მსახურობს, ორჯერ აქვს მოგებული „ბურვესტნიკის“ (ცენტრალური საბჭოს პირველობა, წელს მან საქართველოს ჩემპიონატშიც გაიმარჯვა.

74 კგ წონით კატეგორიაში ვერცხლის მედალი დაისაკუთრა სოხუმელმა პაატა ხურციძემ („დინამო“), რომელიც საქართველოს დამსახურებული მწვრთნელის აბესალომ გოგიშვილის ხელმძღვანელობით ვარჯიშობს. ვერცხლის მედალი მოიპოვეს სპორტსაზოგადოებმა „შრომითი რეზერვის“ წარმომადგენლებმა მერაბ ვალიევმა (100 კგ) და მალხაზ მაისაშვილმა (130 კგ, მწვ-

რთნელები — ვანო ნიკოლაძე და შოთა კოტორაშვილი). გორელმა — გიორგი ხინჩიკაშვილმა (62 კგ) და ზურაბ ავახაშვილმა (68 კგ), თბილისელმა ეროსი ელიაშვილმა (74 კგ) IV ადგილები დაიკავეს და გუნდს ჩასათვლელი ქულები მისცეს. საქართველოს ნაკრებმა 28 ქულა მოაგროვა და გუნდურ ჩათვლაში მეორე ადგილი დაიკავა. პირველ ადგილზე 52 ქულით რუსეთის ფედერაციის მოქიდავეები გავიდნენ, მესამე ადგილი ყაზახეთის წარმომადგენლებმა დაისაკუთრეს — 21 ქულა.

საპრიზო ადგილებზე გასული მოქიდავეები, მათ შორის ჩვენი რესპუბლიკის ოთხი სპორტსმენი, საბჭოთა კავშირის ახალგაზრდულ ნაკრებში ჩაირიცხნენ. მალე ისინი საერთაშორისო ტურნირებში გამოვლენ, უძლიერესებს კი ევროპის ახალგაზრდულ პირველობაზე მოუწყვეთ ქვეყნის სპორტული ღირსების დაცვა.

..და ჩვენი სპორტსმენები

კაუნანი, 10 თებერვალი (ტრეფონი „ლელოს“ სპეციალური კორესპონდენტი). საოცარი ამბები ხდება „სპორტალეში“: სამი დღის მანძილზე ხუთი ლიტველი მოკრივე გამოვიდა რინგზე და ყველა დამარცხდა, მაგრამ დარბაზში ერთ თავისუფალ ადგილსაც ვერ იპოვეს. კაცი, დიხს, უყვართ კრივი ლიტვაში, ხალხი კარგად ერკვევა სპორტის ამ სახეობის ნიუანსებში და საკმაოდ ობიექტურიცაა. ამიტომაც ზედმეტიან მასპინძლები ოვაციით ჩვენი კრივის აღიარებულ ლიდერებს შიშოვს, ალექსანდროვს, იაკოვლევს, აბაჯანს, შანავაზოვს, მიროშნიჩენკოს, ეგოროვს, ნახაროვსა და სხვებს. და რა სასიამოვნოა, რომ მათ რიცხვში საქართველოს წარმომადგენლებიც არიან.

გუშინ რინგზე ჩვენი რესპუბლიკის სამი ათლეტი გამოვიდა, სამივემ კარგი შთაბეჭდილება დატოვა და არც მათგან ერთს დაუშურებია ტაში, თუმცა ერთი მათგანი გამოეთიშა ასპარეზობას.

ხეიან ხდრიანმა (54 კგ) უკვე მეორე ორთაბრძოლა მოიგო „სპორტალეში“ რინგზე. მან სამივე რაუნდში აჯობა ყაზახეთის წარმომადგენლებს.

გუშინ, მსოფლიო იუნიორთა პირველობის ფინალისტს, საერთაშორისო კლასის სპორტის ოსტატს ვადიმ იუნუსოვს. ხუთივე მსაჯმა ხეიანს მისცა უპირატესობა.

ასეთივე ანგარიშით — 5:0 გაიმარჯვა სოხუმელი კახანჯიანმა (სიცი 54 კგ წონით კატეგორიაში ასპარეზობს). მანაც ბრწყინვალედ იასპარეზა ხალხთა IX სპარტაკიადის მესამე პრიზიორის, სომხეთის გუნდის წევრის გარი ტევოსიანის წინააღმდეგ და გამარჯვების ორტისოდენა შანსიც არ დაუტოვა მეტოქეს.

კარგად დაიწყო თავისი შეხვედრა საერთაშორისო კლასის სპორტის ოსტატთან სერგეი ვასილენკოსთან (უზბეკეთი) ემელიანე ქულუხაძემაც (75 კგ). პირველი ორი რაუნდი თანაბარ ბრძოლაში მიმდინარეობდა, ქუთაისელ სპორტსმენს თითქმის მესამე რაუნდშიც არა უშვავდა, მაგრამ ეტყობოდა, რომ ორთაბრძოლის ბოლოს იგი დაიღალა, ახლა უფრო მეტად მისი მეტოქე აქტიურობდა და მსაჯებმაც სასებით სამართლიანად გამარჯვება უზბეკეთის გუნდის წევრს მიუკუთვნეს — 3:2.


ახლა დინამიადაზა

ბაპურიანელი სპორტის ოსტატი, თბილისის სხელმწიფო უნივერსიტეტის იურიდიული ფაკულტეტის I კურსის სტუდენტი, 18 წლის დინამიელი კახა წაქაძე, როგორც ცნობილია, სსრ კავშირის იუნიორთა ნაკრების შემადგენლობაში გამოდიოდა იტალიის ქალაქ ასიაგაში

გამართულ იუნიორთა მსოფლიო პირველობაზე.

ჩვენმა ნაკრებმა VII ადგილი დაიკავა, კახამ კი, რომელიც საუკეთესო იყო საბჭოთა მსტრემებს შორის, მე-18 შედეგი აჩვენა (ნახტომები 83 და 83,5 მეტრზე).

ახლა კახა წაქაძე წაღვრულ სპორტის ოსტატ ვლადიმერ ორგანიზაციისთან ერთად იასპარეზებს გდრ-ის ქალაქ იოჰანესბურგში მსოფლიო დინამიელთა



ლიდარი კვლავ გაემორჩა

ამბობენ, რომ სპორტში არის პრივილეგიური სახეობა ჯგუფი, რომელსაც ჰყავს თავისი მეფე — ფეხბურთი და დედოფალი — მძლეობა. ამ „სამეფო კარის“ იერარქიულ კიბეზე შაშხაშვილები მოკრძალებული ადგილი უკავია, ყოველ შემთხვევაში ჩვენს რესპუბლიკაში ასეა. თუ 64-უჯრედთან შაშხაშვილები უკვე ვარაუდობენ კარგად შესწავლილი, რაც ართულდება გამარჯვების მოპოვებას (ამის თავიდან აცილების მიზნით ბოლო წლებში 64-უჯრედთან შაშხაშვილები 64-უჯრედის ტარება — პირველი-ორი სვლა კენჭისყრით წინასწარვე ცნობილი, რამაც მნიშვნელოვნად გაზარდა შედეგიანობა), სამაგიეროდ 100-უჯრედის ტარებაში ჩვენს რესპუბლიკის სპორტსმენები უძლიერესა და დაევი სიმწუხაროდ იშვიათად ემბობენ. მიზეზი? სპორტის ამ სახეობას ყურადღება აკლია. ამგვარ-

მა დამოკიდებულებამ ხელი შეუშალა ახალგაზრდების გატაცებას შაშხით, დიხს, ჩვენში სპორტის ეს სახეობა თვითდინებაზე მიშვებული, მაგრამ ბუნებრივი ნიჭის მქონე, მონდომებულ ადამიანს ასეთ არახელსაყრელ პირობებშიც შეუძლია წარმატებას მიღწეოს. ერთ-ერთი ასეთი გამონაკლისია სასოფლო-სამეურნეო ინსტიტუტის პირველი კურსის სტუდენტი, სპორტის ოსტატი ჯუმბერ ბერიშვილი. 17 წლის მოშაშემ ახალახან საბჭოთა კავშირის უმაღლესი ლიგის ფინალის საგზური მოიპოვა. ჯუმბერი პირად მწვრთნელ არტურ გოიზმანთან ერთად გვეწვია რედაქციაში.

● ჯუმბერ, საქართველოს შაშხის ისტორიაში ჩვენს სპორტსმენებს წელს შეირდ გაუღეს უმაღლესი ლიგის კარი. ადრე ამ ლიგაში გამოდიოდა თბილისელი ბორის შავერდანი, რომელმაც იუნიორების

ვუგებო. ველთაურმა შაშხის სექციაში ჩაიწერა. იმავე წელს ქალაქის პირველობაზე მოსწავლეთა შორის მერვე ადგილი დაიკავა. პირველობის მთავარმა მსაჯმა, ბორის შავერდიანის მამამ სარქისმა შემომთავაზა მასთან მეგარჯიშა 100-უჯრედთან შაშხი. ასე შეერთდა ჩვენს გზებში. 1980 წელს გაგზიდ თბილისის ჩემპიონი იუნიორებში, ერთი წლის შემდეგ კი მოზრდილთა შეჯიბრებაშიც გაიმარჯვა, 1982 წლიდან ჩემი პირადი მწვრთნელი გახდა სპორტის ოსტატი არტურ გოიზმანი. არტურმა შაშხის თეორიის დეტალური უმაღლესი მიღწევები გამაცნო. მისი ხელმძღვანელობით 1982 წელს გაგზიდ იუნიორებში საქართველოს ჩემპიონი. ორი წლის შემდეგ საბჭოთა კავშირის შეიარაღებული ძალების ჩემპიონატი გაიმარჯვა, იმავე წელს საქართველოს ჩემპიონატიც მოვიგე და სპორტის ოსტატი გახდი.

არტურ გოიზმანი: სავარჯიშო პირობებზე მინდა ორი სიტყვა ვთქვა. სამწუხაროდ, დღემდე, ასე ვთქვით, პარტიზანული მეთოდებით ვვარჯიშობთ. არ გვაქვს ადგილი, სადაც შევცვლით დავსხდეთ და წყნარად ვიმუშაოთ. უყურადღებობის შედეგია ისიც, რომ მეხუთე წელია, რაც საზოგადოებრივ საწყისებზე ვავარჯიშებ მხოლოდ ჯუმბერს, როცა შემიძლია მასთან ერთად სხვა ნიჭიერი მოშაშვილებიც ვამეცადინო. ეს კონკურენციასაც ვაზრდიდა და, დარწმუნებული ვარ, შედეგებიც უფრო შთაბეჭდილი იქნებოდა. ვარდა ამისა, გვიჭირს საჭირო წიგნების შოვნაც, ბიბლიოთეკებში აქა-იქ თუ წააწყდები შაშხის ლიტერატურას, ჭადრაკის სასახლის ბიბლიოთეკა ამ მხრივ ვერაფრით გვემარება. ანდა, როგორ შეიძლება შაშხის განვითარებაზე ლაპარაკი, როცა რესპუბლიკაში 100-უჯრედიანი შაშხის დაფებიც კი არ იშვებოდა. ეს საკითხი არაერთხელ დაისვა, მაგრამ სამწუხაროდ, არაფერი შეცვლილა. ნუთუ ასე ძნელია მისი მოვარება?

სამწუხაროდ, შაშხის მიმართ გულგრილი დამოკიდებულება კვლავ გრძელდება. ამიტომ იყო, პირველი ლიგის შეჯიბრებაზე ისე გავემგზავრეთ — ჩვენით არავინ დაინტერესებულა და არც შეკრება გვექონია. იქნებ ახლა მინც მოგვაქციონ ყურადღება, ჯუმბერმა ხომ უმაღლეს ლიგაში თამაშის უფლება მოიპოვა. არადა, თითო-ორი სექციის იმედით წინ ვერ წავალთ. მითუმეტეს, რომ უკვე ორი წელია შაშხი მოსწავლეთა საქალაქო სპარტაკიადის პროგრამაში შეიტანეს, რამაც მნიშვნელოვნად შეუწყო ხელი სპორტის ამ სახეობის სპეციალისტთა და თვით ნორჩების დაინტერესებას. კარგი იქნება, თუ შაშხი მოსწავლეთა რესპუბლიკური სპარტაკიადის პროგრამაშიც შეიტანენ.

„ლელოს“ კორ.

საზღვარგარეთის სპორტის სიხსლანი

პარშაპა. ისტორიაში პირველად პოლონეთი აწყობს მსოფლიო ჩემპიონატს საცხენოსნო სამკილში... ყურნალისტებს შორის.

ცნობილი ყურნალისტთა შეჯიბრებები სათბილეთო და სამთო-სათბილეთო სპორტში, ჩოგბურთში და ა. შ. მაგრამ საცხენოსნო სპორტში, და რაც მთავარია, მის ურთულეს სახეობაში — სამკილში ასპარეზობა ჯერ არსად ჩატარებულა. შეჯიბრებები გაიმართება 22-27 სექტემბერს ქსენკში.

● ჯუმბერ, როგორ წარიმართა ბრძოლა პირველ ლიგაში?

— თავიდან გაუბედავად დაიწვი და პირველი ორი პარტია ყაიით დავამთავრე. მესამე ტურში მოვიგე. შემდეგ კვლავ ორი ყაიით გავაყეთ, მეექვსე შეხვედრა წაგებე და თითქმის უიმედოდ დავმარებოდა ალბომინდ. ამის შემდეგ სამი პარტია ყაიით დავამთავრე. ყველაფერი ბოლო ორმა პარტიამ გადაწყვიტა. ისინი რომ არ მომეგო... ვანსაკუთრებით გამიჭირდა ბოლო, გადამწყვეტ პარტიაში. იმის გამო, რომ მეორე დღეს შეხვედრისას სახეობა დახურვის ევრემონიალი უნდა შემდგარიყო, პარტიის გადადება ათარ შეიძლებოდა. პარტია ექვს საათს ვაგრძელებდა.

„სპორტალიონი“

8 თებერვალს მოსკოვში გაიმართა „სპორტალიონის“ მორიგი, მეექვსე ტირაჟები.

● სპორტალიონი 6 45“-დან: 3 (ბობსლეი), 5 (თავისუფალი ჰიდაობა), 9 (საგზატეცილო ველობობოლა), 15 (ბაილარეობა და კანოეთი ნიჩოსნობა), 27 (შვილდონობა), 35 (შაბიანი ჰოკეი).

● სპორტალიონი 5-86“-დან: 8 (ტრეკე ველობობოლა), 9 (საგზატეცილო ველობობოლა), 12 (ტანვარჯიში), 15 (ბაილარეობა და კანოეთი ნიჩოსნობა), 36 (მხატვრული ტანვარჯიში).

● რა გეგმებს იხანავთ უმაღლეს ლიგაში?

— ჩემი მიზანია ათულში მოხვდე. ეს უფლებას მომცემს უმაღლეს ლიგაში შევიწარმოო ადგილი, რაც ფაქტიურად საბჭოთა კავშირის ნაკრებში შესვლას ნიშნავს. თუ ეს ასე მოხდა, მე საშუალება მექნება მონაწილეობა მივიღო შაშხის წამყვანი ქვეყნების ნაკრებ გუნდებთან გამართულ შეხვედრებში, რაც შემდგომ დაოსტატებაში შემიწყობს ხელს.

სიხსლანი პარანა

ცენტრალური ტელევიზია. 11 თებერვალი. დილის დაქურვა — 8.00 (1); დილის ტანვარჯიში — 9.00 (2).

საპარტიველო ტელევიზია. 11 თებერვალი. სსრ კავშირის ჩემპიონატი კალათბურთში: „დინამო“ (თბილისი) — „შახტიორი“ (დონეცკი). რეპორტაჟი თბილისის სპორტის სასახლიდან — 20.00.

ჩვენი მისამართი: წერილებისთვის — 380096. თბილისი, ლენინის ქ. 14. დებულებისთვის — თბილისი, „ლელო“.	რედაქციის ტელეფონები: სამდივო — 93-97-52, ინფორმაციის განყოფილება — 93-97-53, წერილების განყოფილება — 93-97-55, „მერანი“ — 93-97-28, „პარტიე“ — 93-97-27.	ჩვენი ინდექსი: 66485	საქართველოს კვ-ის გამომცემლობის შრომის წითელი დროშის ორდენის ხატმა. 850096, თბილისი, ლენინის ქ. 14. იბეჭდება ოცხეტური წიხით საგაზეთო კორპუსში: ნოზარაულის, 29.
--	---	-------------------------	--